

Dat Mädche em Weinhaß

Freya woa eich dess öftare an da Muusel em Heawest.
Als Trauweträa honn eich geschaff, onn wat soss su ahgefall ess.
Päa Joa woa eich bei drei Jungfrahe. Do ess ähs foljendes passead:
Ahfang dä sechzia Joare, du harret su viel Trauwe geh,
dat ma net wußt wuhieh met da Breh. Die Tantscha harren ooch iha
Fässa all voll. Nau harren se e Fenef-Fohrafaß kooft onn en de
Hof gelächt, fia ze felle.

Beim Medachesse hott die ähn von dä Tantscha gemeint: „Werner,
dau kanns noh demm Esse die annare met Wahn onn Bied en de
Wingat fahre, do ess joh net weit ze trah, dat packt dä Franz
allähn. Met demm Bulldog kemmste dann heim onn mischs dat große
Faß ennewännisch sauwa.”

Wie eich dat Faß uffgeschrauft hatt on wollt rennkreche, du kohm
eich do net duasch. Eich woa en de Schellarre ze bräht.

Du senn eich onvarischda Sach wiera bei die annare en de Wingat gefah.
Nau homma geräscht wie ma dat Faß sollde sauwa kreh. En jung Frah,
die ooch do gehollef hott, säht: „Wemma de Owend heimkomme, machen
eich dat Faß sauwa.” Maria, su hott die Frah gehähs, woa schlank onn ess
goot en dat Faß rennkomm. Met Keazelicht woa se debei, dat Faß
sauwazemache.

Eich woa em Keldahaus debei die Trauwe afselahre onn ze mahle. Uff
eimol hott dat um Hof en Dujenanna geh. Eich hieare, wie eich gerooft
kreh: „Komm ähs flott onn schlah dat Faß kapott, dat Mädche
sticht lojenn onn kemmt net mieh raus.”

Dat Mädche woa en Nohbasch von mia. Eich hatt dat metgeholt fia
Trauwe hellefe ze plegge. Wie eich an dat Faß kohm, du honn eich
die Bescherung geseh, du woa dat met dä Klamodde, wu et em Wingat
ahatt, hallef ent Faß renngekroch.

Et wollt de Maria hellewe. Wie dat su jenn woa, horret e bissje
Schräcke kreht onn wollt wiera raus. Weil et awa die viele
Klamodde ahatt, honn die gesteibt. Eich honnem goot zogeschwätzt,
onn gesäht: „Grawwel doch renn, onn dräh deich, dann kannsde
wiera rauskomme !”

Nä, et woa neist ze mache merrem. Et hott bluß geschrait, onn
met de Feeß geschoa. Die Maria hott ooch ennewännisch
Stemme gemach. Se hott gemähnt, et wää iha Änn.